

集部

欽定四庫全書楊忠思集御製表忠録序

詳校官無古士臣柳邁祖 中書日劉源溥覆勘

校對官中書臣李 覆校官中書臣宋 腾録監生臣沈安邦

桑

鎔

世祖章皇帝御製表忠録序 人臣之誼善善惡惡者大道之公循省往哲愛結於中 成特立之操内無懼心外無慙他而已顧竭志盡思者 献舊不顧 船 豈逆親後人 美歎靡窮哉獨以浩然之 氣 遥流微彌茂留連曩跡如遘其人是以孟軻有言舊乎 百世之上百世之下聞者莫不與起也夫當其矢心請 自古賢臣正士効力王家率授命致身捐生赴義跡其 所遭若無厚幸然而時過論定聲稱振揚及於代遠風 世祖章皇帝御製表忠録序

節義之事未嘗不反覆三致意馬至明史嘉靖年間有 所建監必有車然可觀者而竟不得志而夠與龍逢比 繼盛奚翅霄壤哉使繼盛獲遇明主庸其言顯其身其 道然當時則榮沒則已馬甚或遗穢蒙嗤為世昭鑒去 疏凜凜乎烈丈夫矣夫尊爵厚禄握權當軸者何可勝 直臣楊繼威者以諫死於戲賢哉觀其劾仇驚嚴嵩二 誠有不能自己者也朕萬幾之服紬釋載籍每覽忠孝 干先後合轍亦可悲矣朕讀其文傷其意慨然想見其

金分四月全書

人口已口上 一世祖章皇帝御製表忠録序 一為人故特表而出之以旌忠鯁垂法将來由斯以觀即 継威至今存可也

·	 	
		金に入り入れる

及足四年全島 國 欽定四庫全書 楊忠愍集 提要 與張經同棄市後追贈太常寺即益忠愍事 部武遇可員外即以疏劾嚴嵩為所構陷 仲芳號椒山容城人嘉靖丁未進士官至兵 臣等謹按楊忠愍集三卷明楊繼盛撰繼盛字 迹具明史本傳繼盛本以經濟氣節自許不 楊忠愍集 集部六 别集類五明

分にプロングノニー 世祖章皇帝御製序文表其忠蓋一經褒予曠世猶 屑屑于文字後人重其人品拇拾成編仰蒙 蕭山章鈺所校凡奏疏一卷雜文一卷詩 全文披肝憑膽仇直之氣如生自作年譜 嵩二疏史傅限于體裁僅存大略集本乃其 卷行状碑記別為一卷附馬其論馬市劾嚴 生故雖朽蠹陳編彌深罰惜此本乃康熙間 篇學問人品具見本末尤史傳所不能詳遺

久己日日 ALA 卒之際數千言無一字塗七尤足見其所養 舜一事頗涉怪異然繼盛非妄語者蓋覃思 世惟年譜中自記從韓邦奇學樂律夜夢虞 詞雖質樸而忠孝之意油然尤足以感 動 屬一篇作於臨刑前一夕墨迹至今世守倉 之所有告具與獨作日録自稱夢見孔子 之極緣心構象世說載衛玠以夢問樂廣廣 云是想管子曰思之思之鬼神通之固亦 楊忠愍集 理 百

金月四月全書 疑其偽繼盛此語頗與相類明以來無疑之 者此則繫乎其人有不待口舌争者矣乾隆 四十二年九月恭校上 P 提妥 總 校 官 臣陸 費 墀

大足口事 白雪 欽定四庫全書 楊忠愍集目録 卷 卷二 奏疏 跋 31 楊忠監集 集部六 别集類五明

金灰四层多量 卷三文 卷四 詩 記説 書 目録

KEDE LEES IN		砰記
楊忠愍集		

 To the second				金月正左右電
				封
		, ,		

鸞降典史同仲卿起司隸校尉進京兆尹遽劾帝舅大 少讀王章傳涕四被面縣出對客不能飾客訝問故 欠已日年 红世司 將軍輔政王鳳下廷尉欲既而死與椒山起刑部員 官石顯免其官與椒山為南部員外進北部刻成寧侯 中與椒山讀書無卧被同仲卿為諫大夫進左曹訐宦 楊忠愍集原序 兆 吾讀王仲卿傳故也既而讀楊椒山自著年譜鷲曰此 仲 卿乎仲卿學長安獨與妻居疾病無即被入牛衣 楊忠愍集 日

多分でたと言い 卿未有也然當仲卿下獄時妻女皆同時收繫女年十 者兩人之妻皆沮其上書而椒山張夫人乞代夫死 指斥張美人故椒山之得罪亦以扳援二王故所不 遷兵部武選司建劾相嵩下詔獄辟死又同然且仲 之封事以日食椒山之入奏亦以日食仲卿之得罪以 死者必君也及旦而仲卿果死妻女徙合浦則是其妻 二夜起號哭曰平時獄上呼囚數常至九今八而止先 雅慘較有甚於椒山者子當入史館詢椒山傳同 仲 同 卿

Ca. 5 ... 2. 1. 1 官曰未隨也曰此一代有數人物當特為起草而俟屬 身何有乎君子子不讀胡氏致堂諸史論乎其於兩漢 此皆嘉隆問戆直諸習有以開之益暗指椒山言也子 非令主陽明非道學東林非君子謂夫儒者言事但當 人物率武之不直一錢是以朱氏傳王荆公為名臣而 曰然則如漢王章者非君子耶曰章不識輕重亢言殺 以迁全不以激散東林之爭每始於意氣而終於朋黨 分平同館官不答既而微聞同館有進劄子者曰孝宗 楊忠愍集

武之死而猶譏其横刺其直向前厮殺而無所於變也 學之徒風身其間然後知薄事功并薄氣節皆宋學之 邑章子梅谿有感於椒山之為人取椒山所傳年譜與 君國之慘死事者不下什伯而宋史忠義傳並無一 他可知矣予氣塞而罷然而歸檢舊史見趙宋兩朝當 稱秦會之太師為致有骨力何則不輕舉也夫以岳忠 其生平詩若文合得四卷將刻以示世而屬子為叙子 陋而非恒情也今子去史館又十餘年矣康熙戊寅同 講

多分四母全書

其本心而章子以藝林之豪攻經生家年不及賈生獨 讀之淚滴滴下一如疇昔讀王章傳時雖不講學不泊 של הואול והוסונה של 朋友之交馬至於兄弟則年譜所記彰彰也近之言學 君臣馬讀其諭兒文而知父子馬讀張夫人代夫疏而 山文士其於聖學未知其有當與否然而讀其疏而知 恐其不傳於後而汲汲示世此非君子所用心乎夫椒 能奮發忧懷聞椒山之風而與起馬且復輯其遺文惟 知其夫若婦馬讀王繼津書與弇州王氏所為狀而知 楊忠愍集

者夫陽明事功固所宜薄然而氣節者君子之梗概也 者動輒薄事功而輕氣節至有計陽明之學以明得意 心之未亡而君子之猶可為也世有見斯集而與者乎 氣節又百不如權相之骨力然而猶尚有讀其書感其 极山不幸與王章同兩漢儒術久為宋學所不許而陽 為人惟恐其不傳於後而沒沒示世如章子者則是人 明又不幸而龍場以前同於椒山道學既難言而两人 其亦以予之讀仲卿傳者讀之可矣康熙戊寅秋八

多玩四屋全書

1707	ALL PERSONS IN	 	 	 	
とこうら とたす					蕭山毛
1 /11/17					奇齡初
楊忠愍集					蕭山毛奇齡初晴氏題
四					

	Paradia Maria Maria and Paradia
	金片四月子書
	原

欠已日后 公的 吏部驗封清吏司主事考滿到京陛臣今職何蒙皇 門罷馬市疏 楊忠愍集 威以絕邊患事臣以南京 主事臣楊繼成謹奏為 楊繼威 撰

我人民擄我妻子焚我盧含驚我陵寢其辱我中國極 矣臣在南都傳聞此報冠髮上指肝腸寸裂恨不能身 不言竊惟去年賊冠悖逆天道大肆猖獗犯我城闕殺 職專馬政親此開馬市之誤豈敢茍避禍患隨眾隱點 養育簡用之恩雖粉骨碎身何以克報况臣官居兵曹 子之響以雪城下陵辱之恥不惟天下臣民共相慶幸 赫然震怒選將練兵尅日與師聲罪致討以報百萬赤 生兩翼飛至都下以剿逆賊以報國讎兹者恭遇皇上

金月四月百十二日

アニコョラ とよう 哉國事乃至此哉夫以漢之武帝唐之太宗不過二霸 志已決其問罪之師斷不可已及廷臣會議題奉欽依 求開馬市之書大放肆無狀竊意上觸聖怒其征討之 我列祖在天之靈亦相慶幸多矣及臣至都下見俺答 勝數其蠢茲賊寇反不能生擒酋長剿絕苗裔而乃為 主耳猶能威震方外氣壓突厥以皇上之英武國家之 准暫開行臣不覺仰天大呼喟然長數曰國事乃至此 全成英雄豪傑勇夫肚士之伏於草茅下位者又不可 楊忠愍集

皇上陳之夫開馬市者和議之别名也寇素實服尚不 屢下臣民所共知四裔所共喻者也方今各處兵馬集 此和議之事何以上解列祖之怒下舒百姓之恨乎此 共戴天之深讎矣今不惟不能聲罪復讎而反與之為 婦尚不可少失信義況於天子之尊哉皇上北伐之命 可言及此去年入寇殺擄如此之慘則神人所共憤不 此不得已下策之事哉臣請以開馬市之十不可者為 忘天下之大雠一不可也信者人君之大寶雖匹夫匹

到 戶四月全書

重威三不可也天下豪傑聞賊寇殺戮人民之慘姦擄 大旱之望雲雨也乃翻然而有開馬市之議則平日之 矣糧草器械備矣天下日夜引領仰望王師之與真若 混淆冠履同器將不取笑於天下後世乎此損國家之 孤百姓仰望之心乎此失天下之信義二不可也人君 所以選將練兵者為何備糧草精器械者為何不有以 以堂堂天朝之尊而下與賊寇為此交易之事是天壤 居中制外統取四裔以其有國威之重以屈服之也今

たいり国人計

楊忠愍集

域已和天下已無事矣將馬用武哉有邊鎮之責者日 我哉將見在林下者不肯出在冊籍者將謀去矣異日 婦女之辱其憤恨不平之氣皆欲與逆賊決一死戰雖 此機既動兵将日强令馬市一 去歲大變之後天下頗講武事雖童子儒生亦知習兵 欲復召號誰肯與起此隳豪傑效用之志四不可也自 深山窮谷之隱逸亦願出以復天下之雖今馬市 則舉相謂曰朝廷忘亦子之雠厭兵甲之用矣將馬用 開則舉相謂曰中國外 開

多分四月百十二

次定四事人生 馬市一開則彼皆以為天下兵威已弱蠢茲醜賊尚不 人人有思亂之心特畏國家之兵威而不敢變動也今 通者乃王法所不禁將來勾引之禍可勝言乎此開邊 方通賊之門六不可也天下人民憚於水旱征役之苦 猶畏王法之嚴而不敢自肆也今馬市一開 則彼之交 弛既久一旦有急何以整頓此懈天下修武之心五 不 可也宣大人民懷攜貳之心久矣一向雖有交寇之事 楊忠愍集

弛其封守之防無兵我之寄者益情其偷安之氣矣廢

以此愚弄乎我或遣重臣載金帛至邊等候開市彼違 計巧反出我之上我將欲以此羈縻乎彼殊不知彼實 賊寇輕中國之心八不可也賊寇之性許變無常謀深 也今皇上聲罪致討調兵半年及至於今止為馬市之 開則彼得以窺我之虚實矣目中又奚有乎我哉此長 此起百姓不靖之漸七不可也去歲賊寇深入雖未見 能服羣起為盗又馬能制則將來腹心之變可勝言乎 兵交戰然猶以為我軍倉卒未備其疑畏之心尚在

外不堪之求又未可知也是我不能以羈麽乎彼彼反 索重價或因市馬而過討重賞或市馬之後而别有分 聚入寇而駕言别部落入寇未可知也或以疲馬而遇 之産馬有窮中國之生財有限大同之馬市一開宣府 得以愚弄乎我矣此墮賊寇狡詐之計九不可也賊寇 入未可知也或今日交易而明日入寇未可知也或遣 約不來交易未可知也或因交易而即行猖獗撞關而 延綏等處定不可罷以馬與銀數計之每年市馬約數

Crado mar Lithin

楊忠愍集

無優請開馬市之後或別有所請許之再有所請又許 馬市之開乃所以羈縻乎我非所以羈縻乎被也賊性 議以欺誑皇上者其謬說不過有五有曰外開馬市暫 之財販寇之馬兩難相繼十不可也彼倡為開馬市之 中國之財告之将安處乎永久之計将安在乎此中國 十萬匹四五年間須得馬數百萬匹每年約用銀數百 多分四月子言 以為羈縻之術內修武備實以為戰守之計耳殊不知 萬兩四五年間須費銀數千萬兩一旦賊寇之馬已盡

一也有曰方今急缺馬用正欲買馬一開馬市則我馬 備以圖戰守雖不用此羈縻之術亦可矣此其說之謬 寇無餍之欲可以市馬之小利羈縻之乎如曰欲修武 漸多彼馬漸少豈不兩便然市馬非以之耕田駕車也 彼之入寇為有名我之不應其所求為失信矣孰謂賊 用乎不益重其寄養之擾乎况賊以馬為生彼安肯以 不過為征討計耳如交易果可以無事則市馬又将安 之請之不已漸至於甚不堪者一不如意彼即違約則

次足四年 在世司 图

楊忠愍集

暫緊乎賊寇之心將來許貢則可為永久之計夫謂之 草将不日俱斃而已此其說之謬二也有曰初許市馬 自乘之良馬而市於我乎不過瘦弱不堪之物不服水 利苟免目前之不來彼貪我之重利暫許目前之不入 進貢者豈古之所謂成價來王者哉不過我賄彼以重 市馬固不可許貢亦豈可哉此其説之謬三也有曰賊 耳况市馬我猶得以少償其費許貢則彼白手來取重 利矣是市馬則獲小利而無名開貢則雖有名而费大

金次口是人工事

R .. 17 19 2. 1.1 盡旨義士孰肯守小信而甘於凍假以至於死乎縱使 将何如處哉此其說之謬四也又有曰佳兵不祥不 之種類日繁加之以擄掠人口日增其日用之服食器 驗彼既許其市後不來則斷保其再不入寇殊不知賊 雖狡詐最不失信觀其聲言某時搶某處再不愆期 用俱仰給於中國市馬之利馬足以盡供其所費彼 少有羈縻不過暫保一二年無事耳不知二三年之 用與其勞師動眾征討於干里之外而勝負難必孰 可

陽忠愍集

專食膏梁而憚用樂石將不至於傷其元氣乎此其說 之謬五也夫此十不可五謬之說明白易知則馬市之 秋殺之迭行上天生物之道也恩賞兵刑之並用王者 必自此言始矣若曰佳兵不祥則舜之征苗文之過苔 說者是損國家之兵威養賊寇於日威壞天下之大事 若暫開馬市休兵息民而急修內治之為上乎噫為此 湯之伐葛伯高宗之伐鬼方豈盡皆不祥者哉益春生 御世之權也譬如人身四肢俱皆癰疽毒日內攻乃猶

多分四唐全書

我則為上門納租之戶臣言及此其憤恨可勝言哉夫 收中國之重利况馬多擄自中國者春時草枯則市之 寇莫敢與敵虚實既已與矣故今請開馬市則可以坐 之馬獲青缺之利是昔日彼猶為出門討租之人今日 秋後馬肥則入而再擄之及至來春又再市之以輪 已得計猶有往來奔走之苦日夜殺人之勞也去年 來寇賊以中國之百姓為佃户秋後則入而次其租雖 開不利於我中國明矣而於寇敗則甚利馬益數十年 易怒吃集

此事利於寇賊而不利於中國滿朝臣工皆知其不可 剛明必追究夫謀國者之不忠專征者之不勇誤事之 行之者其意以為征討之事已難次拾賊再入寇皇上 然有人敢議而行之無一人敢非而止者何哉彼議而 之禍暫固目前之龍賊縱背約再為脫避之計未晚也 市猶可二三年尚延日後時事未知如何且暫免目前 然不思皇上所以寵任之專禮遇之厚爵位之重錫子 何以能免况前日交通已有成效莫若委曲致開馬

欽定四庫全書

矣孰若隱黙不言大家因循之為上乎然賊寇之寇與 而已哉其所以不敢非而止之者其意以為事權既不 之隆者益欲其主張國是征討逆賊也豈徒欲開馬市 而止之者去年賊寇何以深入此時罷開馬市賊或入 不寇不係於馬市之開與不開前此未當有議開馬市 深入則必歸咎於止開馬市之人加之以誤國事之罪 以冒禍擔當使有所言而馬市罷開弛其防守而賊再 在我時勢已至鶻突有欲謝重擔於人而無由者吾何 ここうこ /. L.T. 楊忠愍集

皇上之英武而臣下庸輕避事不足以副之心欲持行 怒奮武其氣若此之壮命將征討其志若此之勇則知 知隱默足以自保言事足以取禍也竊惟皇上初時震 哉臣以孤寒進士初入仕途父母早喪妻子無依非不 寇亦與去年同耳止開馬市之人夫豈誤天下之事者 憂後禍忍心隱默乎伏乞皇上俯察愚臣之罪言回思 而手足痿痺良可深恨此事係國家盛衰之機臣敢預 今日馬市之開乃議者之姦計斷非皇上之本心也 以

欽定匹庫全書

卷一

之防乎彼則上而祖宗幸甚下而臣民幸甚謹奏奉聖 次定四車 全等 國 搖惑人心又本內脱一字著錦衣衛拿送鎮撫司打著 肯這事邊臣奏來已久又會官集議楊繼威既有所見 擒俺答於閥前驅鼶類於海外使賊之畏乎我亦猶我 何不早言今差官已行却乃肆意清奏好生阻撓邊機 保其緒收回成命罷開馬市銳意戎兵決志征討務欲 楊忠愍集

屬其心祖宗之社稷無疆非二三年尚安無事可以永

欲討之初志念賊寇之志欲難壓非市馬小利足以係

金岁也是人 請誅賊臣疏

兵部武選清吏司署員外郎事主事臣楊繼盛謹奏為 感激天思拾身圖報乞賜聖斷早誅姦險巧佞專權賊

諫阻馬市言不及時本內脱字罪應下獄被逆鸞威屬 臣以清朝政以絕邊患事臣前任兵部車駕可員外郎

問官將臣手指拶折脛骨夾出必欲置之於死荷蒙皇

上聖恩簿罰降謫不二年間復陞今職夫以孤直罪臣

不死逆鸞之手已為萬幸而又遷轉如此之速則自今 下之第一大賊乎方今在外之賊惟邊境為急在內之 均謂之賊臣觀大學士嚴當盗權竊柄誤國殃民其天 仰報萬一者雖死有所不顧而日夜紙懼思所以捨身 賜之職也臣蒙此莫大之恩則凡事有益於國家可以 已往之年皆皇上再生之身自今已往之官皆皇上欽 以討賊為職然賊不專於外患凡有害於社稷人民者 圖報之道又未有急於請誅賊臣者也况臣官居兵曹

大小日日 公子司

楊忠愍集

正之道故萬猶得竊位至今萬於此時日夜感恩改過 茂等常刻之矣然止皆言嵩貪污之小而未當發萬僭 賊惟嚴萬為最賊寇者邊境之盜瘡亦之疾也賊萬者 之非皇上之仁恕又其嵩感容留之思而圖為改邪歸 竊之罪萬之奸佞又善為撫飾之巧而足以反誣言者 寇之先且嵩之罪惡貫盈神人共情徐學詩沈鍊王宗 賊不去而可以除外賊者故臣請誅賊當當在劉絕賊 門庭之寇心腹之害也賊有內外攻宜有先後未有內

銀戶四月全書

背之者皆謂之叛然則背君之臣又孰有過於萬乎如 愛以警告去年春雷久不聲占云大臣專政然臣莫大 云下有叛臣夫曰叛者非謀反之謂也凡心不在君而 於萬而專政亦未有過於萬者去年冬日下有亦色占 畔道取天下後世之睡罵亦有所不顧矣幸賴皇上敬 留而愈恣其無忌憚之為聚惡俱備四端已絕雖離經 天之誠格於皇天上天恐奸臣害皇上之治而屢示災| 可也 豈意懼言者之多而益密其彌縫之計因皇上之

大王日臣 白曲

楊忠愍集

相專權之禍遂詔天下罷中書丞相而立五府九卿分 政叛君之十大罪為皇上陳之我太祖高皇帝親見宰 載諸祖訓有曰以後子孫作皇帝時臣下有建言設立 理庶政殿閣之臣惟備顧問視制草不得平章國事故 信雖上天示警亦不省悟以至於此也臣敢以萬之專 且孤矣不意皇上聰明剛斷乃甘受萬欺人言既不見 身者乃日侍其側而不覺上天仁愛警告之心亦恐怠

金少世人と

各處地震與夫日月交食之變其災皆當應於賊萬之

卷

たろり ライナラ 之權有丞相之權又無丞相之干係以故各官之陞遷 專恣未有如斯之甚者是萬雖無丞相之名而有丞相 少違顯禍立見及至失事又謝罪於人雖以前丞相之 府部堂司嵩差人絡繹不絕事無大小惟萬主張一或 司之事凡府部每事之題覆其初惟先呈稿而後敢行 遠也及萬為輔臣儼然以丞相自居挾皇上之權 侵百 及今則先面稟而後敢起稿萬之直房百官奔走如市 楊忠愍集

丞相者本人凌遲全家處死此其為聖子神孫計至深

票本之任遂竊威福之權且如皇上用一人萬即差人 先報曰我票本薦之也及皇上點一人萬又揚言於衆 日此人不親附於我故票本罷之皇上有一人萬即差 瑜皇上令嵩栗本益任人圖政之誠心也豈意嵩一 未及謝恩先拜謝嵩益惟知事權出於嵩惟知畏懼奉 人先報曰我栗本殺之也及皇上罰一人篤又揚言於 以統馭天下之具不可一日下移臣下亦不可毫髮僭 承於萬而已此壞祖宗之成法一大罪也權者人君所 有

金万世屋石雪里

東三日日上世ョ 19 善則稱君過則歸已人臣事君之忠也書曰爾有嘉謨 上之罰也用含賞罰之權既歸於萬大小臣工又盡 羣臣感當之惠甚於感皇上之恩畏當之威甚於畏皇 皇上之恩以市已之惠假皇上之罰以彰已之威所以 斷乃假權於賊手如此也此竊皇上之大權二大罪也 附於萬萬之心膽將不日大且肆乎臣不意皇上之明 雖小心縣避萬亦尋别本帶出古意報復陷害是嵩竊 東曰此人得罪於我故票本報之凡少有得罪於萬者 楊忠愍集

我后之德益人臣以已之善而歸之於君使天下皆稱 善盡出彼之撥置主張皇上若一無所能者人臣善 冊名曰嘉靖疏議使天下後世皆謂皇上以前所行之 事是我議而成之益惟恐天下之人不知事權之出於 政之善每事必令子世籍傳於人曰皇上初無此意 此 頌君之德不敢彰已之能以與君爭功也高於皇上行 嘉敵則入告爾后于內爾乃順之于外曰斯謨斯猷 巴也及今則將聖諭及萬所進揭帖刻板刊行為書十 則

金岁也是白十里

欠已日月 山上日 覆本已具揭帖與東樓間東樓已票送入未知如何東 前所講若合符契臣初見高時適原任職方司郎中江 令嵩票本益君逸臣勞之意當乃令子世蕃代票恣父 **見稟事於萬曰非御史蔡樸祭守備許實等失事本部** 逸子勞之為世蕃却又約諸乾兒子趙文華等羣會票 所以古意未下滿朝紛然已先知之及聖古既下則與 擬結成姦黨亂政滋弊一票屢更數手機密豈不漏泄 稱君之忠果若此乎此掩皇上之治功三大罪也皇上 楊忠愍集

趙文華袖入遞與李本李本抄票封進此人所共知也 皇上将本下大學士李本票擬本又熟軟庸都奔走當 所措差人問世蕃如何票世蕃乃同趙文華擬票停當 門下為當心腹感當之恩又畏萬之威惶惶落魄莫知 有分曉皇上定是依擬臣初甚疑及後音下果如萬言 即臣所親見一事則其餘可知矣又前經歷沈鍊劾嵩 劾嵩之本世審猶得票擬則其餘又可知矣是嵩既

銀月四月百十二

樓者世蕃之別號也嵩云小兒已票罰俸內分兩等甚

平江伯陳圭為兩廣總兵鄉親御史黄如桂為廣東巡 專權柄故耳此縱姦子之僭竊四大罪也邊事之廢壞 於兩廣故先布置伊表姪歐陽必進為兩廣總督親家 心可也乃為壟斷之計先自貪冒軍功將欲分孫冒功 皆原於功罪賞罰之不明萬為輔臣宜明功罪以勵人 以臣而竊君之權又以子而並已之權百官孰敢不服 此時久子兩閣老他日一家盡獄囚益深恨萬父子並 天下孰敢不畏故今京師有大丞相小丞相之謠又曰

次全四車全書 一

楊忠既集

級而假報軍功昌濫錦衣衛官爵以故歐陽必進得陞 效忠告病乃令次孫嚴鵠襲替鵠又告併前效忠七首 九號堂稿可查夫效忠與鵠皆世番子也隨任養養未 級功加陸錦衣衛干户今任職管事有武選可是字十 功陞所鎮撫又冒瓊州一人自斬七首級功造冊繳部 部尚書陳圭告病回京得掌後府印信黄如桂得驟 朋故比黨朦朧凑合先将長孫嚴效忠目兩廣奏捷 日離家至軍門乳臭孩童亦豈能一人自斬七首

欠にり目という 冒朝廷之軍功五大罪也逆賊仇鸞總兵甘肅為事革 少有為國家之心選一賢將賊寇聞知豈敢輕犯京師 任嘉靖二十九年張達等陣亡正賊寇竊伺之時使嵩 知科道乃不敢劾嵩積威足以箝天下之口可知矣此 奎等令子冒功打死發遣皆嵩有以倡之也夫均一冒 又以子孫之故陸遷其私黨此備既作做效成風將應 陞太僕寺少卿是萬既竊皇上爵賞之權以官其子孫 功也在蔣應奎等貧員科道則劾之在嵩貧冒人所共 楊忠愍集

ŧ

之心故耳是勾賊背逆者鸞也而受賄引用鸞者則嵩 有嵩在終而嵩與逆鸞之所以相反者知皇上有疑鸞 之心恐其敗露連累始不相合互相誹謗以泯初黨之 **静以為有薦鸞之功矣及鸞權日威出萬之上反欺侮** 跡以眩皇上之明然不知始而逆鸞之所以敢肆者恃 於萬故嵩當自嘆以為引虎遺患後又知皇上有疑鸞 舟兒軍功世蕃亦得以此陛官應子嵩父子被時當自 世蕃乃受鸞銀三干兩威逼兵部薦為大将及鸞冒哈

金与四月五十

若按兵不動任城搶足便自退回以故汝變傳令不戰 邊上不同邊上戰敗猶可掩飾此處戰敗皇上必知莫 賊寇犯京深入失律歸路已絕我軍奮勇正好與之血 鸞之上矣此引背逆之姦臣六大罪也嘉靖二十九年 剿戰以伸中國之威以舒皇上之憂可也乃曰京師與 戰一大機會也兵部尚書丁汝夔問計於嵩嵩宜力主 安得施乎進賢受上賞進不肯受顯戮萬之罪惡又出 楊忠愍集

與世蕃也使非萬與世蕃則鸞安得起用雖有逆謀亦

以論劾嵩與世蕃革任為民矣嵩乃於嘉靖三十年考 特皇上不知之耳此誤國家之軍機七大罪也點陟者 人所共知也是汝夔不出戰之故天下皆知為嵩主張 帖維持可保無事益恐汝變掐出真情故將此言啜哄 人君之大權非臣下可得專且私也刑部郎中徐學詩 及汝變臨刑始知為萬所誤乃大呼曰嚴嵩誤我矣此 以安其心汝變亦恃萬平日有回天手段故安心不辯 及皇上拿問汝夔求救於嵩嵩又曰雖是拿問我具揭

到方四月 **全**書

皇上既降其官矣其為典史則無過可拾也嵩乃以私 當與世籍降為典史矣高於嘉靖二十九年考察外官 '察京官之時恐嚇吏部將學詩兄中書舍人徐應豐罷 之時逼嚇吏部將汝進罷點夫汝進言官也縱言不當 毒手者又何可勝數耶戶科都給事中厲汝進以論 事內廷之臣嵩猶敢肆其報復之私則在內之臣遭其 怨罷點之則在外之臣被其中傷陷害者又何可勝數 點荷蒙聖明洞察其姦將應豐留用夫應豐乃皇上供 劾

欠已日月八十三

楊忠愍集

官之任亦通不以報效皇上為心惟日以納賄賊嵩為 者於文武官之遷陛不論人之賢否惟論銀之多寡各 部之權皆捷於嵩而吏兵二部大利所在尤其所專主 權皇上持之以激勵天下之人心賊萬竊之以中傷天 類為之一空此時計數正人君子能幾人哉是點防之 官又且加之罪不惟罰及一身又且延及子弟以故善 金月四月在書 下之善類此專點陟之大柄八大罪也嵩既專權則府 耶夫萬為小人故善人君子多與之相反萬不惟罷其

皇上德澤之深祖宗立法之善天下之激變也久矣軍 至失所而邊方為甚有司既納賄於萬不得不濫取於 事將官既納賄於當不得不剥削乎軍士所以軍士多 在城中此失天下之人心九大罪也風俗之隆替係天 民之心既怨恨思亂如是臣恐天下之患不在徼外而 內皇上雖屢加撫邱之恩豈足以當萬殘虐之害若非 天下受害怨恨滿道含冤無伸人人思亂皆欲食萬之 百姓所以百姓多至流離而北方之民為甚一人專權

次至四車全事

楊忠愍集

皇上即位以來躬行古道故風俗還古及當為輔臣諂 **諛以欺乎上貪汙以率其下通賄慇懃者雖貪如盗蹠** 於此時者究其本源嵩先好利此天下所以皆尚乎貪 不可破雖英雄豪傑亦入套中從古風俗之壞未有甚 屬廉介者以為矯激善奔走者以為練事單行成套牢 戾天下成風守法度者以為固滯巧彌縫者以為有才 而亦薦用奔競疎拙者雖廉如夷齊而亦罷熟一人貪 下之治亂我朝風俗淳厚近古自逆瑾用事始為少變 故先用寶賄結交情熟於皇上宫中一言一動一起 嵩先好諛此天下所以皆尚乎諂源之不潔流何以清 意向者莫過於左右侍從之臣嵩欲托之以何察聖意 墮於術中而不覺也臣再以嵩之五效言之知皇上之 上之姦入於至神以至神之姦而欺至誠之心無怪其 知者何哉益因皇上待臣下之心出於至誠賊萬事皇 風俗不正而欲望天下之治得乎此壞天下之風俗十 大罪也高有十大罪昭人耳目以皇上之聰明固若不

欠正り町とから

楊忠愍集

節嵩皆預知事少有干於萬者即先有術以為之彌縫 將副本送嵩與世蕃先看三四日後方纔進呈本內情 合聖意益先有人以通之也是皇上之左右皆賊當之 言路故令乾兒子趙文華為通政司凡章奏到文華必 間諜此其姦一也通政司納言之官嵩欲阻塞天下之 遂逢迎之巧以悦皇上之心皇上見嵩之所言所為盡 報必酬以重賞凡聖意所愛憎舉錯萬皆預知故得以 居雖嬉笑歌戲之聲遊觀宴樂之為無不報萬知之每

金月四月子書

卷

里乃結親於此勢屬不便欲何為哉不過假婚姻之好 之姦惡又豈忍緝訪發露不然嵩籍江西去京四千餘 家夫既與之親雖有忠直之士孰無親戚之情於賊嵩 之也嵩則令子世蕃將殿衛官籠絡强迫結為兒女親 其姦二也當既內外彌縫周密所畏者殿衛衙門緝訪 以展轉撫飾其故是皇上之納言乃賊萬之攔路大此 聞御史王宗茂劾萬之本文華停留五日方上故嵩得 以遂其掩飾之計耳皇上試問嵩之諸孫所娶者誰氏

欠百日十十日

楊忠愍集

故於科道之初選非出自門下者不得與中書行人之 為之餞驢或心有所愛憎則唆之舉劾為萬使令至五 之而亦不真既選之後或入拜則留其飲酒或出差則 節義之氣者必置之部屬南京使知其罪而不得言言 時又擇熟輕圓融出自門下者方補科道尚少有忠鯁 選知縣推官非通賄門下者不得與行取之列考選之 三也殿衛既為之親所畏者科道言之也當恐其奏劾

之女便可見矣是皇上之爪牙乃賊高之瓜葛此其姦

たとり時人時 一賊嵩之奴僕此其姦四也科道雖籠絡停當而部官有 一寧忍於負皇上而不敢 忤於權臣也是皇上之耳目皆 如徐學詩之類者亦可懼也萬又令子世蕃將各部官 之有才望者俱網羅門下或援之鄉里或托之親識或 人每張大嵩之聲勢陰阻其敢諫之氣以故科道諸臣 且有效驗孰肯言彼之過乎其雖有一二感皇上之思 六年無所建白便陞京堂方面夫既受萬之思又附嵩 而欲言者又畏同類泄露孤立而不敢言而萬門下之 楊忠愍集

權諸臣順從固不足怪而大學士徐階負天下之重望 姦以彌縫之識破嵩之五姦則其十罪立見噫高握重 多为正是百事 臣工多贼萬之心腹此其姦五也夫萬之十罪賴此五 右心腹之人果為誰乎此真可為流涕者也是皇上之 互相倚附各部堂司大半皆嵩心腹之人皇上自思左 知故嵩得早為之斥逐連絡蟠結深根固蒂合為一黨 知故萬得預為之擺布各官少有怨望者亦先報世番 結為兄弟或招為門客凡部中有事欲行者先報世蕃

欠三日日 红色 欲全大臣之體面姑優容之以待彼之自壞耳然不知 向含容於當之顯惡固若不能知亦若不能去益不過 然於皇上亦不可謂之不負也階為次輔畏萬之威亦 凡事惟聽命於萬不敢持正少抗是雖為萬積威所初 國之有萬猶苗之有莠城之有虎—日在位 則為 | 之巧足以肆其謗懼嵩之毒足以害其身寧鬱怏終日 不足怪以皇上聰明剛斷雖逆鸞隱惡無不悉知乃 楊忠愍集 Ð

荷皇上之知遇宜深抵力排為天下除賊可也乃畏當

金人正居台書 職方總一月臣雖至愚非不知與時浮沉可圖報於他 萬萬不可也臣前諫阻馬市謫官邊方往逐一萬五千 容姑待之恩恐致已前宰相之禍天下臣民皆知其 乎况爾來疑皇上之見猜已有異離之心志如再賜優 日而履危冒險攻難去之臣徒言取禍難成僥倖萬 之害皇上何不忍割爱一賊臣顧忍百萬蒼生之塗炭 之功哉顧皇上既以再生之思賜臣臣安忍不捨再生 餘里道途艱苦妻子流離宗族賤惡家業零落幸復今

高畏威懷恩固不必問也皇上或問二王令其面陳高 嵩鸞已極死獨嵩尚在嵩之姦惡又倍於鸞將來為禍 之心痒於中而不可忍每恨壞天下之事者惟逆鸞與 之身以報皇上况臣狂直之性生於天而不可變忠義 惡或詢諸閣臣諭以勿畏萬威如果的實重則置以專 更甚使舎此不言再無可以報皇上者臣如不言又再 有誰人敢言乎伏望皇上聽臣之言察嵩之姦羣臣於

Ch.) Dual Little W

權重罪以正國法輕則諭以致仕歸家以全國體則內

楊忠愍集

圭

達之頭泉濟囊之頭臣敢許其特易易耳外賊何憂其 賊既去朝政可清矣将見賊寇前既聞逆鸞之死今又 也然除外戚者臣等之責而去内戚者則皇上之事臣 既明軍威自振如或再寇用間設伏决一死戰雖緊 聞賊嵩之誅必畏皇上之聖斷知中國之有人將不戰 不除賊患何憂其不絕乎內賊既去外賊既除其致天 而奪其氣聞風而喪其膽况賊臣既去豪傑必出功賞 下之太平何有故臣欲捨死圖報而必以討賊臣為急

到方四月全章 ►

欠配回順在由司 説 激無地故不避萬死為此具本親齎謹奏奉聖旨這厮 感皇上知遇之厚不忍負荷皇上再生之恩不能忘感 何主意著錦衣衛拿送鎮撫司好生打著究問明白來 因謫官懷怨撫拾浮言恣肆瀆奏本內引二王為詞是 部見監楊繼威妻張氏謹奏為籲天乞思願代夫死 附 張宜人請代夫死疏 楊忠愍集 丟

條機血流約五六十碗渾身衣服盡皆霑汙日夜籠梗 荷皇上天高地厚之恩不即加誅俾從吏議臣夫自杖 湔洗一歲四遷歷抵前職臣夫拜命之後衙恩感泣思 圖報效或中夜起立或對食忘餐臣所親見不意誤聞 阻馬市預伐仇鸞逆謀聖恩僅從簿謫旋因鸞敗首賜 事臣夫原任兵部武選司員外即因先任本部車駕諫 市井之談尚狃書生之習遂發狂論委的一時昏昧復 後入獄死而復甦者數次剜去臀肉兩片斷落腿筋二


金月四月月十二

地下臣仰惟皇上方頥養冲和保合元氣昆蟲草木皆 請題奉欽依依律處決臣夫雖復捐脰市曹亦將與目 備極苦楚又年荒家貧常不能給止臣紡績織履供 給 **欲得所豈惜一迴宸顧下垂覆盆倘蒙鑒臣螻蟻之私** 萬壽無疆而已但聞今歲多官會議適與張經一同奏 餉食已經三年該部兩次奏請俱蒙特允監候是臣夫 少從末減不勝大幸若以罪重不赦願即将臣斬首都 再蹈於死而皇上累置之生臣之感佩惟有焚香禱祝

大江田田 山土

楊忠愍集

Ī



詳校官無吉士臣柳邁祖 中書品到源溥覆勘

校對官中書臣李 覆校官中書臣宋 腾録監生臣沈安邦

鎔

楘

CVIDING PIPE 於有位者或限其時而不及為明道之事界於志學 SHOW O CHANGE 楊忠愍集 廢與攸係必天有意於 以有永而不窮然界 楊繼盛 序 撰

與道將馬用壽是故凡厥有位孰無治理之責然志存 白壽已也為其能壽天下也能壽斯道也苟無補於治 之謂天以全壽界之也非數益君子所貴乎壽者非徒 天地忠誠渾厚之氣悉萃之矣其以天下為已任也 越 矣惟我苑翁老先生之壽天下之治斯道之與恒必賴 無濟於天下之事其何補於治也惟天純佑篤生先生 經濟者或奪於位之弗久而趨時固寵者又終其身而

或限其位而不得與夫行道之責則其所係者亦偏馬

多分四届台書

欠已日日 白生 道之與也久矣自是而明道學者或口談性命之言而 道學之統自薛文清諸大儒出講明正學後先相望斯 變理之任屬之則所以係天下之重者何如也我國家 之靈運以培南服以靖四方亦因之以寧矣行將經綸 範俗越在邊鎮强藩恬服勍敵懾畏斯固載在史冊的 在内服弼亮率下越在外服綏民迪功越在翰苑文章 能操持其紀綱而鎮撫其百姓天下之根本以固宗社 人耳目天下之所賴以為治者其在今日撫守南都又 楊忠愍集

筌蹄耳不知有得於道馬否也先生以純篤之資果確 濁之心或始而卓越峻潔凛不可犯終而喪其所守流 金月四月月月 之以南都清逸之地使得優游暇豫沉潛道真平生事 於拾遺意見經緯志樂六經說諸書當其晚年天又假 於汗下而不羞者則其所學不過欺世之機械釣名之 身冒貪汙之行或外飾温厚嚴肅之貌而中藏毒忌闇 之志益自弱冠時即有志性理之學其學之原則以精 一為宗其學之要則以培養夜氣為本其學之實則見

為不偶然先生之致治而其道行則有以壽天下之命 必壽先生而籍以壽天下斯道之大則所以界之者固 道而壽先生之身終而以天下斯道係於先生之身故 大其所至始而以先生係天下斯道之重故為天下斯 一欲永天下之治於不替故不得不壽先生以久其施天 以先生為首稱則所以係斯道之重者何如也是益天 業至此盡收拾而大成之一時論得道學之正脈者皆 欲放斯道之傳於不絕故不得不壽先生以要其成而

欠近日華とは

楊忠愍集

矣斯道之統傳之千萬世而無窮則先生之壽與道俱 哉天下之治垂之千萬年而無數則先生之壽與治俱 夫以是而壽馬未足以盡之也先生之壽可以年數拘 爍然步履强健視少年無以異也期順之城可必至矣 者舉忻忻然曰苑翁年雖七十有一然精神凝固丰采 脈闡學而其道明則有以壽斯道之命脈其所以仰答 上天界壽之心者又豈小補云乎哉士大夫之壽先生 矣故謂先生之壽為天下之壽可也為斯道之壽可也

金号巴尼白雪里

也世之言壽者不過曰享年有永而已然命稟自然固 勉惨惨相成之義瑣瑣年數之末頌祝之私皆所不取 謂天下斯道之壽即先生之壽亦可也不將與天地同 君子之壽當圖不朽之真而所以壽之者貴有懇懇相 忻躍謹書 斯道之壽又幸其將來自壽之有地也於是拜首稽首 乎故曰天以全壽畀先生盛叨門下既幸先生及天下 壽徐少湖翁師文

九八日日日 公山丁

楊忠愍集

德卓榮建諸用者熟業赫耀垂諸後者典護暐時則題 皓威鞋不可勝數且多不瑜百年耳過此以往即絕景 壽則夫簾肆堀嚴翁伯張里哆顧冥蠢懷殘秉賊者龎 壽者非謂其形體不毀已也以覆載之德生成之功無 為真也今夫言壽之至者莫天地若然天地之所以為 無紀極可與天地相終始夫是之謂不朽而壽之所以 在響煙減無聞雖謂之不壽亦可也惟夫修諸已者道 一定不易年歲自積於人之賢不肖無與馬若以此為

金少世是白雪里

CALIDIO LILIA 之真知壽於身者為壽而不知壽於天下者斯壽之大 之氣塊然凝結之質而已非所以悠久無疆億載不朽 聲無臭之教足以父母萬物無窮耳否則亦冥然翁聚 知壽於目前者為壽而不知壽於身後者斯壽之永非 者也是故人知壽於年者為壽而不知壽於理者斯壽 外而不求壽於年數之間乎恭惟我夫子黃閣元老黑 深達始終之故善權脩短之算者孰能論壽於命數之 頭相公以年言之似尚未可以壽之者然觀諸所修為 楊忠愍集

德之非立功要知貪功之戒立言要知尚口之窮言壽 德其次立功其次立言其次言壽再合曰立德要知似 為不朽者當益宏遠峻懋謂不可以壽之乎昔丙午歲 之與危軒華衮也已不可同年語况由此而進馬其所 者所建立者所垂後者半生積累已足垂萬年不朽視 二三子稱壽於三槐堂當記夫子舉爵為令曰太上立 世之昏耄罔生無所寄付者脩短之相絕也亦猶蕭艾 夕枯之與松柏久茂也榮辱之相背也亦猶衣赭與臺

多月口月白書

範世之益終之能居之以恒至老不變不先貞後贖蹈 果能崇正論主國是排邪議熙枝葉有格非及經垂教 所謂似德貪功尚口罔生之愆則可以輝名崑鼎勒伐 次之果能以身殉國事專報主建掀揭非常之功次之 繼自今上之果能永肩一德不惕威改節以悅俗固寵 而未見其終著其端而未究其極則誠門弟子之深懼 也即樽酒教令之間而不朽之道備矣然三者見其始 要知問生之辱夫德壽之基也功壽之與也言壽之華

沙之四事 全書

楊忠愍集

俟門弟子瑣瑣勸勉頌祝之乎哉 夫子之身則所以壽平格者不得不錫之以有永又何 以圖不朽者不得不持之以有終天以天下之責付於 隳於垂成將來之年俱為虚假斯不善自壽者之為固 急一身之利害視天下之治亂若秦越然則已往之行 之末誠不足言矣使或較齡算之短長晷行誼之臧否 知夫子必不爾為也隱夫子以一身任天下之重則所 金冊三者垂萬年不朽壽即享萬年不窮而瑣瑣年數 たこり ことう 為終始方其隱而未彰也天既生哲人以作之則于其 之微風俗之敞恒必由之良可悲夫然律吕與天地相 先生自做秀才時便抱古樂散亡之憂當其歲試藩司 既晦也天忍任其湮沒已乎闡明之責益必有所寄者 之外猶深求立其可喜之說至於樂則廢棄不講全德 絕無傳論治法者必對舉禮樂紙議禮者於天秩不易 世之談經學者必稱六經然五經各有專業而樂則減 苑洛先生志樂序 楊忠愍集

或見是於羣非之中若天有以改其東者終而觀其深 矣於是有志樂之作曰志云者先生自謙之辭也非徒 是苦心精思或脱悟於載籍之舊或神會於心得之精 得其說矣於是有直解之作然作用之實未之悉也自 樂者無不祭考其好之之專雖發疽尋愈不知也既而 究心馬耳先生於是惕然省悟退而博極羣書凡涉於 既出於古人則在人亦無不可知之理特未有好古者 聞諸督學虎谷王公云律日之學今雖失傳然作之者

金月 四月 全書

欠已四年日世日 造化之自然以黄鍾一均之備布之於朝廷宫閨實古 矣而以黄鍾祀天神以봻賓祭地祇以太簇享人鬼一 生之互見則未之及也六變八變九變之用周禮載之 志而已也是故律生聲鐘生律馬遷著之矣而律經聲 緯之遞變體十用九之明示則未之及也圍九分積八 起調則例及正變全半子倍之交用調均首末長短相 圓之圖則未之及也六十調八十四聲蔡子著之矣而 百一十分班固著之矣而管員分方旋宫環轉乗除規 楊忠愍集

沫出聽之說則鶴之來舞也固宜而其得樂之正也此 哉其於先儒世儒之圖論備録不遺者是固先生與善 雅舞先生之庭者久之識者以為是書感通所致觀仰 之心然亦欲學者考見得失馬耳方其始刻之日九鶴 非其明驗矣乎昔人謂黄帝制律吕與伏義畫卦大禹 萬變信手拈來觸處皆合樂之為道盡於是矣志云乎 今之絕唱則又有出乎周禮之外者也宏綱細目一節 叙疇同功然卦疇得程朱數子而始著律日得先生是

金次正是白雪里

大矣然不苦心以求之何以知是書之正不得其說而 書而始明則其功當不在數子下豈曰小補云乎嗚呼 之而未能也講求之責深有望於同志君子云 精之又何以知威之言不為阿私也哉噫威不敏雖學 太和在成化宇宙間故先生所由生太和在弘治宇宙 行之則太和将在萬世之宇宙而先生之功至是為益 則其作誠不偶然也後之有志於樂者茍能講求而舉 間故是書所由始太和在嘉靖宇宙問故是書所由成

大江日町 山町司

楊忠愍集

金月四月子言 **昭也威等奔走稱賀先生乃戚然言曰惟予無良承兹** 者無智愚大小皆以朝廷得相為慶天人之交與何的 時條爾澄霧萬里一色若造化有以示其機者士女觀 嘉靖已酉歲春二月我龍翁老先生自南都冢宰拜禮 部尚書兼文淵閣大學士先時陰雨彌旬可厭迎命之 大命深貽無窮之憂將馬用賀二三子惑咸相謂曰君 送張龍翁老先生拜相序

子之仕也不得於君則憂不得行其所學則憂不得立

欠已日日 日生日 繁甚矣人臣不可一念之不憂也然憂有一已之憂有 大功於天地間則憂乃今三者則俱得之矣不知先生 天下之憂夫爱以一已則其憂也私患得患失將至於 縱縱則視天下之事皆易也而忍心生憂則畏畏則視 國家之福乎益天下之事每成於憂而敗於喜夫喜則 之憂也何故及退而思之然後喟然歎曰先生之憂其 終其身而不可解憂以天下則其憂也公雖身膺無窮 天下之事皆難也而慎心生慎忽之間天下之治亂攸 楊忠愍集

身任天下之責其愛固有所不容已者况夫事之阻滞 順則亦可以自樂矣必欲彈智畢力整頓振作使氣運 常之修墜或係風俗之盛衰凡臣子所不忍言者更僕 難處者又無有紀極乎是故或係天下之根本或係國 未易數正賈誼所謂可為痛哭流涕者也此而安常處 家之安危或係正學之廢與或係世道之升降或係綱 不辨也先生自做秀才時已有先憂後樂之志則夫 之處而天下之至可樂者隨之公私之際憂樂分馬不可

金八里屋 人二

景象一如國初宇宙問不亦難乎則夫其始也以天下 CAUSIN Action 左右以改其矜喜之端哉 之憂為已之爱其既也以已之憂與天下之憂國者共 歌詠頌美之辭固有待於天下既樂之後也豈敢預贅 以交與乎先生者此也謂非國家之福乎威等叨門下 是固先生所以行道立功先憂後樂之心而天人之所 其然也至於天下無可憂之事而已之憂亦因之以釋 其憂樂之情常相關故惟述其所以先憂者如此若夫 楊忠愍集

莫難於婦人之所守夫人固多事功懋峻赫炫照耀 成天下之事功易立天下之節義難語節義之難者又 遇之至順凡有中人之才者皆可能之裕如也至於當 世者然或出於遭際輳合矯激賜術以濟其所為斯固 金月口屋 白雪日 力量足以擔當負荷者鮮不仆矣然又出于一時義氣 天下之至變而能氣如雷霆立如山嶽雖窘辱頓挫生 死利害交於前而不可少動則非見足以定守足以確 集張節婦冊葉詩文序

CILO HOL CILIO 事功立節義者難易何如也是婦人之所守不為天 足以守之而不渝其操存之難又如此則視丈夫之成 業陰柔之身百責所萃其負荷之難如此內無所籍外 未知不變否也惟夫婦人之守節則撫而幼孤振而先 少至老一時不敢少解則必有聖人之資聖學之功者始 點之或疎則羣議紛然而起凛凛馬戒慎避嫌之心自 無所資質然獨立狠狠無依其植立之難如此斯須檢 激發所致初無俟於持久操守之難使歷之以終身又 楊忠愍集

節中之至難至難者數其上而朝廷旌表之下而諸君 金分口屋有量 心不死之機矣然節義在婦人者郡縣俱有之而節義 子歌詠歎賞之固足以彰激勸風俗之典亦足以見良 子少華之表則其負荷其植立其操存又不為婦人守 不可以盡述然觀諸張子免溪之狀王子漢陂之傳許 在丈夫者天下固不多見節義之難者婦人盡之無少 下之至難者與臨洮張婦王氏之守節其艱苦萬狀雖 歉而節義之易者丈夫固反虧之豈非光岳氣分天地

婦人之不如予於此重為感且處矣諸君子其毋徒歌 古人之同於婦人者已為可恥今之人其所為所行反 大江日日日 白土司 亦朝廷於忠義者之不疑好悖者之不誅此天下之所 詠婦人也乎 以贖之今之人不惟節義之掃地又足以壞天下之事 山川精粹之氣不萃於男子而盡萃於婦人之身乎無 以無懼而勸也乎噫古人之節義少損者後之功業足 31 楊忠愍集

事而眷翁甚隆也及咨命寵頒翁感躍無已遂載諸 官姚及祖妣如先夫人秩益聖天子知翁甚深任翁甚 最帝曰都哉朕嘉乃丕續會南京吏部尚書缺儉議請 金月四月子言 惟二十有八年春我兩洲翁以南京禮部尚書三載考 進階語贈推恩三代請帝曰欽哉惟時宜叙乃功爰進 翁階為資政大夫贈先淑人為夫人贈乃祖乃 父如翁 以翁代帝曰俞哉時克統朕百官暨冢宰論翁最以當 題兩洲王老先生語命咨引

者乃拜手精首賜言曰於乎翁之此舉其忠孝兼至矣 欠已日軍 在時 下以忠孝之機夫豈人之所能識哉益人臣非不能報 也乃翁之意則欲持此以為不忘其君親之具而教天 乎然謂翁之忠者以昭君賜也謂翁之孝者以彰先德 而不忍忘之者益鮮矣臣而至於一念之忘其君子至 君之患而不敢忘君之難夫人子孫能顯其親者何限 於一念之忘其親則其所以報之顯之者未知有得于 楊忠愍集 古

題日隆恩命盛贅言於末盛於翁為門下士義無容辭

之崇即先人之常如有見耳夫日如對越乎君則思所 實在史冊斯固夫人之所共知者其在今日之膺榮命而 忠孝否耶惟天純佑我國家故資翁為之臣惟天眷王 是故唯翁之忠在朝著唯翁之孝在家庭唯翁忠孝之 氏之世德故界翁為之後則翁之一身固忠孝之管也 贈之典者葢欲其都綸音之重若日對越乎君視贈秩 翁之心不以一念而忘其君親者也而猶寄其識於語 必軸以懸之朝夕在目是不可以識翁忠孝之心哉

金分世屋石書

たい日日かせの一 以報之者自不容一時之或免先人常如有見則體祖 官有所感而不忘其君則所以報之者為無窮而其忠 抑亦假之以表率百官垂訓子孫馬耳是故使子孫百 父承恩欲報之心而殫智畢力代之以仰答者自不容 即翁之忠有所感而不忘其親則所以顯之者為無窮 翁之忠孝出于天性而其所以不忘者夫豈有待於此 然必俟有所感觸而後不忘則其為忠孝也亦有問矣 一時之少懈是則翁之所以不忘其君與親之心也雖 楊忠愍集

噫體翁之心者是又在翁之子孫及殿百官而已威雖 人而使各知所以自盡則謂翁之忠孝為兼至也非數 皆翁之不忘者起之又非即翁之忠孝矣乎是則翁之 將有所感夫 所以教天下以忠孝之心也夫既盡其已之心又推諸 不敏誠願與賢后昆暨基屬共勉馬而後之觀者亦 而其孝即翁之孝推而萬世臣子知所以報之顯之者 望雲思親圖引

金月四月月十二日

欠至日年 全日 即三年矣每言及之其涕泣憂思之情如初予因此 定省紙服殿事而已然朝夕在側固其情之不得不然 人孫子以儒行克獄樣予以排奸緊獄孫子常侍左右 事時當慕君非真有愛親之心其孰能不遷且忘乎齊 而少知天性之爱者皆可以為之易易耳乃若遠從王 在而不能忘世之言孝者不過日含殺温絮致滋美勤 人子愛親之心存於中而不可解然後思親之心隨所 一言及嚴母即垂涕飲泣其憂戚思慕之情藹如也今 楊忠愍集

日之事君既知所以不忘其親矣則夫他日歸而事親 一節甚重之鄉友米子華乃原仁傑故事繪望雲思親圖 也顧可以忘其君乎其事君而思親也歸而養之孝不 孝之道尚有進于此者夫人之一身於親則謂之子於 贈之椒山子為之引日孫子之愛親如此可謂孝矣然 而孝衰孝於親而忠廢又馬得謂之忠與孝乎孫子今 君則謂之臣均之無所逃馬者也然方其事君也解有 不忘其親及其事親也又鮮有不忘其君者是忠於君

金人也是人一一

Callinal Antin 屑於聲色之末觀美之具乎孫子歸而質之鄉士大夫 子謂之負君聚百順以事者君子亦謂之不肯子况屑 噫臣子之事君親惟在乎一心而已心苟在乎君親則 不得已而至於忘之亦孝也不然則致赫娃之業者君 鞠躬盡瘁固忠也逃跡山林亦忠也舉足不忘固孝也 親者孝之大也此愛親之道視諸望雲而思者何如耶 可以不至乎是故孝能忠於君者孝之全也忠能顯其 可以不為矣則夫他日事親而思君也起而官之忠惡 楊忠愍集

o

到5世月 有書 **設為固寵之筌蹄方日幸其已術之能中豈知其思惠** 重當何如也世之為臣者以彌縫為要位之機械以阿 夫爵賞之施所以行吾之志而厚吾之生者其報禮之 雖刑罰之加猶且感其曲成之愛而圖報之思無窮况 其愛親之道諒又必有進于此者當反而告子可也 刑罰皆人君惠臣之典而爵賞之恩為尤厚古之人臣 風雨霜露皆上天生物之仁而雨露之思為最渥爵賞 劉司獄承恩圖引

大小り いかり 湯藥進飲食榜徨奔走於其間故予得僥倖不死者劉 之在君是故圖報之心輕以疎而盡忠於君者益鮮鳴 君凡以不知君恩之重起之也益人臣一登仕版則此 乃感激繪圖誌不忘馬椒山子為之引曰為臣不忠於 子維持保護之功居多甲寅歲以三載考最得曆勅命 曹方予以排奸被杖繋獄適劉子治獄事日侍左右躬 有如司獄劉子乎劉子關中人以儒行起刀筆官于刑 呼臣道之不見於天下也久矣孰謂不敢忘君之恩 乃 楊忠愍集

盡其職而重其報而司獄民命所係又於報君為最切 子之榮無一而非君惠之所及則恩同于天益有如雨露 身已屬於君其宫室服食之美車馬妾御之奉父祖妻 然錫予有大小皆人君爵賞之恩官我有崇早皆可以 受君恩而不知則視君於已若不相屬者欲其盡忠也 國匡輔君德弱成王業鞠躬盡瘁朝夕不遑矣惟其 之至渥者苗少思其君之所惠必将以心據君以身殉 不亦難乎劉子以承恩繪圖可謂知感君恩而不忘矣

金与四周百十二

スノ・リー! ノ・ト・ 則夫仁以宅心廉以律已勤以趙事誠以御物以求你 請自不忘刑罰之恩始 寵辱送用者人君御世之權也人臣欲不忘爵賞之思 謂繪圖之意亦虚矣噫舒慘並行者上天生物之常也 命則殘事矯激則怪尚煩瑣則迂謂之棄恩負君而所 答君恩之重端於劉子有望馬否則急身圖則汙輕民 跋 跋冀梅軒留朱子語畧後 陽忠愁集 九

學也無非身心性命之懿及其仕也無非為國為民之 學之不明也久矣何幸於梅軒有望乎其子梅軒方其 **新定匹庫全書** 學者皆獨於詞章之末或優而仕也亦利禄而已爾世 月祛獄弊恤獄囚疏獄滯嚴獄防罔不竭盡心力或少 要則仕豈世之所謂仕學豈世之所謂學乎其提牢一 之仕者皆急於刑名兵賦之圖或優而學也亦技藝而 已爾未仕之前其學已如彼既仕之後其學又如此道 卜子曰任而優則學學而優則仕仕學一道也但世之

欠已日巨 白野 是故本諸心而原諸天非由外樂者也夫人之所以植 餘暇則讀書不輟其所讀者又皆身心性命之典於事 介安從生生於吾心之義義又安從始始於在天之利 軒之仕可知已觀此書之留則梅軒之學可知已道學 竣乃以朱子語畧留於秋官别署噫觀提牢之政則梅 之不明也久矣何幸於梅軒有望乎 説 介軒説 楊忠熙集

苟馬已乎必剛與康二者合而介始成矣然垂愎以忤 合於天而求其合於人不求諸吾心而求聲音笑貌之 廉毫釐千里不可不察也而世之競為介者乃不求 其 網常弘德業參天地匹聖賢皆賴此以為之質幹是可 其害介也不既深乎觀李封君之介自心而身而家而 介於終則似介非介不過欺世之機械要龍之筌蹄耳 末故能介於外者或不能介於內能介于始者或不能 物則似介之剛而非剛矯情以駭俗則似介之廉而非

金月世月月十

欠已日月 八十三 意取名馬雖非貸利亦謂之取矣敢以是足介説之義 **苗和之謂介然介而不和者偏也不苟取之謂介尚有** 之者有司寇禹江則天下之頃其介也固有待矣噫不 内外始終而一之者謂之天下之至介非與則以之名 軒也固宜論者循以封君之介不及於天下惜之然述 鄉其介之操同自少而壯而老其介之操又同夫固合 詑 記 開煤山 楊忠愍集 主

遂記之 利以開番民遂服子不喜煤利之開而喜番民之服也 地竺寺前先是開者數為番民所阻有司至不能制子 臨洮八十里鎖林峽有煤山二區馬一在峽之西一 宋語親往治之至則先懾之以威次惠之以賞由是煤 以諫開馬市謫官狄道尋欲開之而不敢專也會庠生 民阻之又如昔子遂偕揮使李子節門人李維芳陳恂 張子汝言自於府縣允之委府相陳言往董其事乃番 在

金为世是有事

與繼津年兄書

承問足見兄為國之忠樂善之誠弟不當阻抑之以隳

採納馬此事部中允行而人皆避事益難其人而兄獨

其向上之志但愚衷有見其不便者數條請上陳之備

CALD HOL ALTER 故讎家欲害而無由乃今自尋事幹是自居受害之淵 則堂官惡之同係忌之此不便一也兄為拯援小弟之 勇往任之則為衆悦服今本部既東髙閣而兄欲强行 楊忠愍集

藪此不便二也弟訪問宣大將官俱云地方狼狼已極 金好四周全書 兵馬必難整的所謂雖有善者無如之何兄欲任之萬 何以為保身家之策此不便五也整飭兵馬責任甚重 此不便四也許公之請必欲其駐劄陽和城兄無兵馬 請兄自忖當道者果於而允之乎抑或故阻其所為乎 人皆笑之此不便三也到彼處行事凡有謀為公先題 無成功之理昨何道長慨然有開海運之請一無成功 之寄一遇有警軍將各守信地遺一空城賊或逼圍將 卷二

識時勢者在俊傑此等時勢兄識之久矣而必欲為此 萬一失事其責當與將領督撫等兄自付其當道者肯 者益一念為國之誠故利害有所不暇顧耳然欲幹天 事之日替被項缸成功難必禍害預知此不便七也夫 勢機在彼持握豈得自專行事無事之日受彼提制有 益恐一時失事兵部祭劾故扯兵部官在内將欲謝擔 於兵部衙門且又云責令容彼提調則若彼之屬官者 恕兄乎抑必加重於兄乎此不便六也細觀許多之疏

Calded total

楊忠愍集

部分四月 台書 仰讀手教足見兄以天下為已任敬羡敬羨宣大係天 投禍機乎情出迫切不覺涕泣之道直述其事詞意不 落何名目死生雖不計畢竟果不徒死否思之思之又 倫幸惟情亮 重思之弟非阻兄忠貞之為若損友者益真見事必不 可成故耳况此時兄十分小心迴避猶恐禍及何乃自 下之事當思如何下手如何收然事成如何結果不成

請兄更思 時可為則轟烈一場勿徒惟盡其心而不計事之成否 之則甚不可兄才尚有大展時節此時且斂鋒蓄銳俟 之巧入于至神者乎此弟之所甚慮而知已溺愛迫切 之情如何能已此事在他人為之如何不可而在兄為 人皆知致身為忠不知為天下愛其身尤為忠之大者

下安危弟豈不知使弟在部必為兄之所為者乃阻抑

若此者何益以兄處最嫌疑之故耳况老賊報復害人

次定四車全書

楊忠愍集

苦

者而夫子抱能受言之量居能行言之位而某極荷相 狀若割心肺日夜憂思至廢寢食故有欲點而不容忍 知又有可言之機寧客隱乎謹陳救荒愚見伏請尊裁 某既以言得罪宜絕口不言天下事但聞窮民病苦之 上徐少湖翁師救荒愚見

城中餓舒死亡滿道人人驚惶似非太平景象夫京師

之民各有身役常業何以頓至於死而所死者皆外

就食之人也益緣各處司民牧者無救荒之策之心而

文三日年 白生 **處賬濟之故使各歸鄉里又將所捨之米預支二三十** 京師有捨米捨飯減價賣米之惠故皆聞風而來當其 徧之政何必煦煦然為此小惠誘民以至於死乎莫若 京師為溝壑誘外郡之民而填之也救荒自有均平普 無死亡道路之條矣連年豐稔止有此歲之艱一郡之 日以為回家盤費之資則窮民有鄉井飽食之樂京師 行令各處撫按有司作急賬濟然後出給告示諭以本 事者又不肯盡心鮮有實惠故每凍餓以至於死是以 楊忠愍集 葚

故鄉矣窮民既無處辦米或賣產傭工止可得錢今乃 勸借官給以帖到秋償還則米價自可日減窮民自返 為兩便富室有積栗至千萬石者皆坐索髙價以邀重 餘有積至數十年將腐者合暫變賣收價到秋易新似 倉之栗可賑濟也亦可價賣也富室之栗可勸借也亦 利故米價至于騰踊合依少定價裁抑之又當以禮獎 可責令減價糶也益官倉除備邊急緊不可動支外其

金に人はたろう

栗自足以供一郡之食特在上者區處之無其道耳官

欠三日日 白地 今定為官價似為裁抑之術然在京師則有所不能行 責令折算通行其價數之多寡任從民便官府不得而 神以使之雖市人亦不知其所以然也其可以官法定 與馬則錢法可通而商民俱便矣米價騰踊日甚一日 之乎為今之計當為權宜之術不分等類不問大小 俱 者益各铺户之米俱贵價雜買非若外郡富家田內自 法之行也或朝贵而暮賤或此處用而彼處不用若有 分為等類定為價數則錢法紛亂而民益告病矣夫錢 楊忠愍集

議之北地既荒全賴南米之來使河道阻滯則來者延 來至於何如也如定米價亦俟春問販米至者多然後 穫然今定為輕價被豈肯折本糶賣且各處販米者一 肯再來今宜行令各河道官使開河之時先放米船 遲恐緩不濟事賊盗甚多或搶掠一船則後者聞風孰 聞價輕孰肯再來外米不肯來內米不肯糶不知其將 終可到矣又行令各處地方官使嚴加巡捕防守護送 遇壅塞則遣官夫找運一若轉運官糧然則米正月

金人世是人

姑息寬縱之此端一開為盜者眾貧者日至放肆富者 寬治盜之法其意懼生變也以故各官於賊盜之獲俱 憂米價之不減乎盗生於貧雖勢所必至然荒年而至 たこうしたする 不可長民不可逞恐陡防一徹紀網遂壞其變有不可 之耳夫濟荒自有長策未聞教民為盗以救之也况漸 日不安生是民之為盗雖起於年山亦上之人有以教 於盜起斯亦可憂矣聞各處撫按分付各屬官今且暫 則販者無失米之憂所來者必多矣南米來者既多又 楊忠愍集

學疎直之性進則有敗壞之凶退則有避事之罪天不 成就用之太早幾非在我奈之何哉連日與二三相 意方投文書即有此轉聞命篤惶若有所失以未成之 敝 即告病山居涵養數年然後出而幹事此弟定志也不 則禁盜乃所以止盜而止盜正乃所以救荒也 勝言者宜行令各處撫按有司使遇賊盜仍治之如法 鄉人劉大使便曾具小改想已達左右矣得動命後 與少司寇吉陽何公書何公四礼係先生遺

金月四月子書

報蒼生殺擄之讎以雪朝廷城下之恥不亦可乎此 告弟日方今之世和光同塵可以免禍以子所為禍定 傑券死士行邊疆圖方畧相機審勢與賊決一死戰以 事尚有可為與其愚直以取重禍莫若上疏自獻收豪 言時弊死則為鐵春之思生則為田野之人以圖不朽 講求出處之道議論紛紜莫知折衷請為吾兄陳之或 不免與其得罪於人陰受不測之禍孰若出位建白直 以求不忝所生不亦可乎此一説也或告之曰天下 之

大三日日 白生

楊忠愍集

似若少進但一入京師目前世情人物俱見可惡若不 昨過易州登太寧諸山乳泉諸洞遊覽之暇檢點前後 若盡其見在之職不為出位之思俟權到手得行其志 家養靜工夫不敢放下其處已接人視前次亦差缺二 望尋便速賜指教以為弟行止依歸甚幸甚幸第自到 即此三說證諸本體莫知取舍學問至此莫知究竟萬 然後斬好城之首泉賊寇之頭不亦可乎此又一說也 說也或告之日位串而言高罪也力小而任重仆也莫

金安正左台雪里

而墮於地獄由仙侣而降為衆生寅入酉出日幹瑣事 頓首瓊 政報成奉賀不具仲春念八日得華劄季春望日生威 失約然都下之品題不外於前日之相議者也拱候大 回思南都不覺痛哭流涕至忙迫中不及詳告統容鄙 不去不知吾兄将何以教之乎此時此際真若自天堂 布不盡其外統扇之約弟赴京之運兄舉事之早故坐 朝居者極知此是病痛常自寬假然此根終排遣

欠七日日 白世

楊忠愍集

艾

違教渴思非言可盡南遊已久歸來風土反不能習 日

卧病不出未知竟能遂否也自抵家惟居野邨春來病 麻木卧牀月餘方少愈而家叔病故貧不能葬凡百惟 食麵椒夜卧熱远痰火盛發遍體熱瘡兩耳壅塞四肢 少差日與舊會友數十人講樂子業會文之中因寓性 弟承當故臘月赴京之行不果意圖考滿得敕命後即

命之談初若不相入避來則浸浸然動矣敬縣大尹亦


定趨是在老先生嵗暮亦以此告少湖翁若為見別敢 之事功有目前之榮辱有身後之褒貶不惟以義言之 也去秋上龍湖翁小改改末云有一時之富貴有萬世 其輕重分明雖以利言之其輕重亦較然可懼也審幾 事定之可不慎乎則夫知仁勇三者不可不朝夕體貼 時入講一時士風若為與起弟學綿力薄不能日新良 南都士夫俱相慶得人吾兄一生之道德功名皆於此 用為懼也别時分付事弟未入京無以應命今年大事

大江日日 人生日

楊忠愍集

Ŧ

盡欲言統惟鑒該新春二十七日生盛頓首拜具 望吾兄主張不可不憂勤惕厲也回瞻雅會領教無由 金少世月月 仙凡懸隔曷勝仰戀鄉人劉大使便謹此代候匆匆不 不揣僭妄再為負宰相之望者獻之可乎一代宗道專 顛躓負教甚深園上二年仰托雲庇居食如常身心寧 别特辱教言諄諄切于骨髓弟以愚疎謀為批謬自貽 於二若有所得是前日相講之學乃今日受用



た正可し Athin

楊忠愍集

圭

十石人以為神云是弟坐監反勝做官多矣兩箇犬子 子已省人事與弟婦經理家務內外嚴肅弟可無內顧 齊日誦道經祈弟平安弟禁之不止亦任之而已十歲 餘畝可以供給無窮令秋人田倶涤獨弟田獲收六七 必欲置弟於死賴聖明還有主張令秋朝審賊輩以裕 之憂謹瑣瑣告説以紓吾兄愛弟之慮老賊千方百計 府差人送飯打路之說騰播中外亦聞主上幸聖明不 十歲一六歲新開蒙讀書俱聰敏可望賤界輩俱喫

我与正屋子書

次定四車 全彗 是雖優處之典實為年誼之情的非木石自當知感豈 禮取書院教兩府生員夫以早賤之官付以尊重之任 賤每于吏事之委即趨赴不敢辭况家本院按部鞏昌 臨洮府狄道縣典史楊繼盛上言職官居首領分在鄙 自大廓老去後弟母三無憂矣 究其事此時弟甚危矣豈惟弟危雖裕府亦恐不利也 敢遲緩惹罪不便弟以學疎行簡既不足以語師道之 辭陝西巡按劉取書院临縣未載今補刻 楊忠縣集

一廢凡此将成諸務一旦廢棄不無可惜切思臨洮輩昌 未修建儒童三百餘人尚在寺讀書此時中止未免散 又買膽學山地一千六百餘畝一以供給諸生一以教 買山一區造書院數問尚未落成此時功虧未免廢棄 受業五十餘人日相切劑情意相孚此時不忍遽離且 去其分理縣政尚有數事未曾就緒此時離任未免中 尊嚴而事有秦繋於心又有甚不可忘者念職之及門 民農桑此時不治未免荒蕪縣舊無社學已買基址尚

金りて

書院教兩府生員昨具帖解不敢直言盜再家憲牌提 職以卑賤之官本不足以當師道之重乃蒙憲牌誤取 欠足り手と時 罪死罪嘉靖三十一年正月初六日 生徒又得以盡官職終其前事似為兩便清冒尊嚴死 移鞏昌生員來學於臨洮使職在任兼教則既得以訓 必顧取本職離任往教而不移臨洮生員於鞏昌莫若 皆本院所按屬者也單目有書院臨洮亦有肄業之所 再上辭帖 楊忠愍集

敢不以禮自守乃淪於辱身枉道者之為尚謂職軍賤 上官之命今召之以教訓生徒則有師道存馬職又安 先儒釋以為往役者無人之職不往見者士之禮豈非 以有司之事則固典史之職也職敢不以分自處乃拒 已之正職官雖卑賤其志肯甘虞庶下哉本院如名之 子取其非名不往庶人名之役則役名之往見則不見 金与正是有言 以禮義所在不可往且屈乎夫古之虞人無人猶知守 取不得不直陳其情切惟召虞人以旌不至將殺之孔

次全四年 上手 書院是志欲行古道者欲行古道乃不能脱勢位之套 厚幣凡以師道尊嚴不可挾勢位以屈之也本院有志 之間故雖古之明王必致敬盡禮後之霸主亦知早禮 則可稽也或求諸市井或求諸山林或求諸草茅田野 治之以官府套數之常今之師道不立久矣古之師道 無幾可以充師任則固賓師之責也未聞欲延師者乃 而挾之憲牌提取若僕隸然一則曰母得遲緩二則曰 無可取也固宜踐踏之不足不當付以師道之重如謂 楊忠愍集

遵朝廷之商命守典史之官職而乃為出位之往乎且 亦不可首如以牌而取遵牌而往不惟取知道之笑其 者非敢固傲取罪益位之所在雖不敢瑜而道之所在 蹄耳其於斯道何所補哉故雖不為此亦可也職赴任 古之設書院者專以講明道理今為書院計而挾勢位 母得遲緩是以典史召之也夫既以典史名之職敢 不 以來其處上官僚友不敢一毫僭越今乃若與本院抗 以延其師則所謂書院者不過利禄之淵數功名之筌

金万口尼人司

勢欲其入而閉之門耳職守其道寧喪溝壑而不顧且 原禮呈納伏乞稽諸理而恕其狂矜其愚而不録其罪 恨此相遇之所以甚殊而盛事之所以難成也與謹将 則深可惜也嗚呼書院盛事也延師威舉也本院負其 如師道之不立何是職之果賤不足惜而師道之不立 てこうま 不致縉紳之笑無貼同年之羞職無任惊懼之至嘉靖 年正月十六日 獄中與超然書院諸生書 J. Lin (陽忠憨集 蓋

矣未及于民而復塞山靈其抱恨久矣今特祭告復 學業如何幸勿蹉跎也有懷不盡外獄中作數十首附 開使山之利得以利夫民而逐邇之民得以享山之利 覽然子之志亦見於此矣緊獄友生楊繼威再拜 惟山有自然之利而人不知取山靈其熱中久矣昔知取 書院諸友文會下昔承雅愛隨具謝言想已達矣年來 祭文 祭煤山文係先生秋道遺筆 巻十二 ついうう かたり 唯公之行高明卓茂榘鑊堅貞不流不激可愛可親唯 江唯公之容春柳秋霜碧梧翠竹巖巖其拳琅琅其璞 嗚呼唯公之徳二靈協粹三懿用彰渾金璞玉秋月寒 而今而後山靈其將以自慰耶亦或復自秘耶而使利 不自秘使利及於無窮而不止於一時已也 及於無窮不止於一時已耶固知山靈之心必自慰而 公之學書厨經府鼠獄雞碑落筆風雨擲地金石唯 同鄉祭焦范溪父文 楊忠愍集 美

開雅誼休戚攸同俱客江南尤為關情有淚如沱有哀 壽子孫公介純禧萬事具足久為公慶一夢不回忽為 壽追踰七表華胥夢發雖不整遺考終永延唯公之子 多分四月全書 光瑜潤蕙戲蘭芳森森竹立繩武有將嗚呼惟人有善 燕山毓秀范水文宗朝陽鳴鳳海内人龍唯公之孫 瑶 之榮鸞封赫耀鳳誥輝煌彤雲豸護繡服天香唯公之 公痛存隆其實沒曜其聲死而不忘亦何足恫某等里 孰悉諸身德容行學功備則淳惟天賜福萬有不齊榮

如傷景行遺範山高水長敬陳薄奠聊寫蕪詞以闡幽 必然者也乃壽止五旬有一竟爾先逝而不少待耶 孺人之教子有成又宜膺其語封而享其報茲固理 宜享年有永以太孺人之相夫柔順宜偕老百年以太 嗚呼痛哉天道,不齊有如是哉以太孺人之植德 幽貞 嗚呼哀哉尚饗 德以泄鄉私幽明雖隔精神則通惟靈炯炯鑒此愚衷 同鄉祭太孺人取母母氏文

とこうほとかり

是雖五十有一而百年事業固已畢矣孰謂太孺人之 此太孺人之所以可哀也然人而有子是謂不死子 孫 壽良可恨馬相夫問終良可悼馬教子未封良可痛馬 相夫未偕老耶我國家之推恩也不以亡而或問則 而已太孺人之治家教子俱有成績則相夫之道已盡 太孺人之事年不有永耶妻之於夫在盡其相之之道 繩繩無窮是即已壽之無窮也况子而有敬養在孰謂 地間或然之數能幾何太孺人乃遽遭其變耶仁者弗

金月四屋白書

饗 戚攸同俱宦江南尤其關情者觀太孺人之可慰雖共 流涕之至謹陳萬鎮聊表微忱靈其有知洋洋來鑒尚 孺人在天之靈獨不可以自慰也哉威等里開雅誼休 子之未享其報耶是葢或然之中而自有必然者在太 之封而太孺人之沒將不日膺語命之贈又孰謂其教 人之治恩也不待生而亦榮太孺人之存雖未有龍命 切夫景仰屬望之私憫太孺人之可哀實不勝其痛哭

欠足り事人は

玄廬結松楸養養兮若木折追悼哲人兮腸欲絕何時 寧山寂寂兮寒煙滅易水冷冷兮波聲咽郊原茫茫兮 乃為之歌曰松雲慘慘兮悲風烈薤露淅淅兮芳草歇 竹孫萬事已足不生而存某緊圍土舉世踽踽惟公憂 通不任而崇不析而壽不疾而終嗚呼猗福簽壽桂子 唯靈性樸質茂德懿行醇摘光跟景抱璞含真不學而 惻遣問旁午自公之死熟為知音西望悵然涕淚沾巾 金少世是人 祭馬南川父文

生药兮冥短碣 祭商少峯文

Calding Athe 人臣之職者則惟以致身為極幸而在官鞠躬盡瘁没 鳴呼人臣策名於朝此身即為君之所有而所以欲盡 非没寧不可亦何恨耶而一念憂國之心固將凝結 王事不可此身得致於君則臣職已盡人道已畢謂之 桎梏者亦所以盡其職也今公雖死於獄謂之非沒於 於王事者固所以盡其職不幸而下獄窘辱困苦死于 楊忠愍集

金云四母在書 嗚呼論友於三代之上當取諸縉紳休采之列論友於 某等患難相與休戚相關幸翁之存猶懸亦慨之望感 裏而萬年不朽則天地神人之所以共痛且惜者也况 人之迭為隱見每隨時勢之盛衰而正人君子之相與 陳薄質尚其來饗 三代之下當求諸山林草澤農園工賈之間益君子小 翁之死益輕再生之身其慟哭悲悼之情當何如哉謹 祭易州楊五文

名之勝已則非毀之惟恐其不足而素以義氣著聞豪 去年春子以狂直排奸被杖緊獄其際誠危矣平昔指 ·嘉禮送之意反殷於初則其相與之情已出尋常萬萬 其後於家而拙於官樂其死而幸其不歸也西泉乃慰 落人耳及予以諫阻馬市被罰遠滴雖骨肉至親亦惡 一登第除南銓始識西泉於賀客中然猶以為特豁達磊 天論心者懼禍之及已則遠絕之不暇同時交遊者疾 惟取其義氣孚固要不當必以區區之勢位拘也自予

次定四年全世司

求之矣視世之縉紳貴顯隨時異情者其人之賢不肖 為何如哉二月初載攜乃郎慇懃視問握手交語傾 述然即此一節則其立心制行當於三代以上人物 拯卹之意又殷於初雖齷齪庸瑣輩惕以重禍不恤 傑自負者恨言之侵已且售計投石要功洩憤於權 為何如哉西泉之行誼在鄉曲聞望在遐邇固難以盡 則與人交遊之善視世之以勢位相與者其情之厚簿 之門其孰與我乎西泉乃三視獄中通問不絕其傍徨 也 倒 奸

重

グロスノニニ

老天何福善禍淫之不公如是耶母乃西泉命番適遭 已絕宜速死而倖免何限乃濫及正人君子如西泉者 正人君子使見用於世心能糾合善類不相背負可以 乃竟突然而逝老天何戕善人之酷如是耶世之生理 **勵鄉邑寬鄙敦薄其挽時俗而濟之三代之上可幾也** 幾人而又奪之俾孤我於患難之中嗚呼痛哉西泉之 同心共道克濟時艱縱厄於無位使假之以年必能表 肺肝相别無幾計音頓至噫不棄我於患難如西泉者

欠近日日 山世司

首陽之微挽汨羅之水致祭於夫君奉直大夫椒山楊 或然之數爾耶抑西泉古直不善娟天爾耶凡此數者 維皇明歲次乙卯十一月朔越九日未亡妻張氏謹採 皆不可曉狂直粗性甚為不平恨欲飛步太虚親問老 金月正居白雪日 可為作善作惡者勸且警也嗚呼哀哉尚饗 天死果錯謬乞使生還更舉宜速死而倖免者代之庶 附 張宜人祭文補 卷二

たこうい 比 公之靈曰於維我夫兩問正氣萬古豪傑忠心慷 渺 心嚴頭嵇血朱檻段笏張齒顏舌夫君不愧含笑永 激烈奸回斂手鬼神號泣一言犯威五刑殉節關 渺孤魂常依北關嗚呼哀哉尚饗 1. 4.1 楊忠愍集 堂 떖 壯